
ФАРҒОНАДА “ВАТАН МАНЗУМАСИ” НОМЛИ АДАБИЙ-МАЪРИФИЙ ТАДБИР БЎЛИБ ЎТДИ

Бугун Фарғона шаҳридаги Ислон Каримов номидаги вилоят театр-концерт саройида Ватанпарварлик, мардлик ва жасорат сингари эзгу фазилатлар акс эттирилган “Ватан манзумаси” номли адабий-маърифий тадбир бўлиб ўтди.

Тинчлик ва осойишталикни асраб-авайлаш, эл-юрт фаровонлиги учун сафарбарлик, ватанпарварлик, мардлик ва жасорат сингари эзгу фазилатлар акс эттирилган мазкур адабий-маърифий тадбирда турли соҳа вакиллари, ҳарбий хизматчилар, ўқувчи-ёшлар иштирок этди.

Маданият вазирлиги, Мудофаа вазирлиги, Ўзбекистон ёзувчилари уюшмаси, Республика Маънавият ва маърифат маркази ҳамда вилоят ҳокимлиги ҳамкорлигида ташкил этилган тадбирда марҳум ва замондош шоирларнинг ватан, халқ, она каби мавзулардаги шеърлари ёш ижодкор шоир-шоиралар томонидан ўқиб эшиттирилди. Қаламкаш ёш шоирлар ҳам ўз ижод маҳсулларини томошабинлар эътиборига ҳавола қилди.

Санъаткорларнинг юрт, она мавзусидаги куй-қўшиқлари, театр ва кино санъати вакилларининг бадиий чиқишлари, айниқса, ҳарбийларнинг чиқишлари йиғилганларни хушнуд этди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2024-06-06 19:16:35